



Haenx dwg roek nienzgaep bizyez ndwen gaxgonq, suyo lauxsae vuenh gou daengz henx Yijgez bae naengh. Gvendaengz gij cienzgangj de miz haujlai, miz mbangj vunz naeuz singqcingz de mbouj ndei, cingzcik ca, maj ndaej hix mbouj ndei yawj, youq neix gaxgonq gou caen mbouj roxyiuj de, couh laihaeuz dwg caen, ndawsim gig mbouj cingznyiengh. Lauxsae heuh dou vuenh diegnaengh, mboujgvaq dwg vihliux fujdauj hagsib, gaxgonq cungj saeh neix hix mbouj noix, hoeng baezneix

Baezde, Gou Caen Angq

那一次，我真高兴

caen miz di nanz ciepsouh.

Siengj mbouj daengz dwg, caeuq de baedauq song ngoenz le, gou raen de gizsaed hix mbouj ca, hag ndaej hix haemq vaiq, couh dwg gij vwndiz gihcuq mbouj maenh, lij miz di daihlawq. Mwhde gou roxnyinh daengz, neix lumjbaenz hix suenq dwg faenh hong ndei ndeu. Dauqdaej lij miz ndwen seizgan ndeu, seizgan gaenj, gou caeuq de doxaeu le haumaj dienhvah. Banhaemh cuengqhag le mwh ca mbouj lai roek diemj buenq, couh dwk dienhvah gangjgoj gangj daezmoeg. Doeklaeng ok daez hawj de, ngoenz daihngaih baehag le caiq yawj de guh ndaej deng mbouj deng. Mbouj geij nanz, aenvih cozyez daiq lai, couh cij gangj cozyez lo.

Doeklaeng miz ngoenzsinghiz ndeu, dou doxcaez bae yawjsaw, mwh dauqma, gangj dwk gangj dwk, sawqmwh couh dingqny de cam aen vwndiz ndeu: "Gou dauqdaej vih gijmaz hagsib ne?" Ciepdwk de youh gangj "Lauxsae cungj naeuz yaek vih gij loqsiengj swheij bae roengzrengz, hoeng gou mbouj rox loqsiengj gou dauqdaej dwg gijmaz." Gizsaed de cam aen vwndiz neix, gou hix mbouj rox

baenzlawz hoizdap de, mwhde daihgaiq dwg aeu gwnz saw swhsiengj binjdawz gangj haenx daeuj hoizdap ba.

Liz gaujsi seizgan lij miz doeklaeng aen singhgiz ndeu, cingzcik de ciemhciemh daezsang, seiz mbouj seiz ndaej lauxsae haenh, saekseiz lauxsae hix daez daengz gou. Gou hix vih de angq, hoeng mbouj rox vih gijmaz, ndawsim cungj miz aen sing ndeu doiq gou naeuz: "Neix mbouj gven gou maz saeh, cungj dwg de swheij roengzrengz.

Doeklaeng, daengz bizyez gaujsi lo. Mwh yawj daezmoeg, gou cungj yousim de miz gizlawz mbouj rox. "Aeu saenq de, aeu saenq de." Gou doiq swheij naeuz.

Doeklaeng mwh rox cingzcik, de umj gou youh saet youh diuq, angq raixcaix, naeuz neix dwg de gauj ndaej baez cei q ndei ndeu. Yawjraen de baenzneix angqfaengz, gou lumj ndaej gwn dangzrwi nei, roxnyinh beij swheij cinbu lij angq.

Baezde, gou caen angq!

(Swconh Swngj Luzcouh Si Daih Cibhaj Cunghyozyau caet nienzgaep Vangz Yenzsinh)

Yiengz Gwn Nywj Hawj Gou Siengj Daengz

羊吃草的启示

Laeng ranz gou miz benq diegnywj heuyauyau he, gizde dwg gizdieg mwh iq gou caeuq dahcej langh yiengz haenx.

Vaiqhaemh seizhah dwg mwh duz yiengz gwn nywj cei q angq haenx. Mwnz yawj! Gij yiengz ciensim gwn nywj de, lauhei q deihsaenq 9.8 gaep cungj saenq mbouj lau de ba? Gyoengq yiengz bak dep go nywj, aen ndaeng mbouj dingz mup dwk, sijsaeq nyinh go lawz miz doeg, go lawz ndeigwn. Aen bak raez de baez nyeng baez nyeng, mwh aj bak, mumh laj hangz caeuq nywj oi q cab youq doxcaez, caen yousim de dawz mumh caeuq nywj caez gwn haenx bak bae. Mboujgvaq gou raen gij yousim gou dwg lai yawz lo.

Duz yiengz dwg yienghhaenx mbouj lau baeg mbouj dingz nyaij-vumvum. Gwn nywj sat le, gyoengq yiengz youq ndaw rumz liengz banhaemh ninz roengz hoizcauj. Ragnywj caeuq ganjnywj caengz siuswg haenx, mwhde cai q dauqhoiz ndaw bak, menhmenh nyaij.....

Yiengz gwn nywj caen mizyinx, hawj gou siengj daengz dou bingzseiz hag cihsiz. Youq ndaw hagsib, raeuz ndaej mbouj ndaej lumj yiengz gwn nywj nei ciensim ne? Ndae j mbouj ndaej nyinh ndaej go nywj miz doeg caeuq go ndeigwn ne? Daegbied dwg cungj cingsaenz yiengz gwn nywj mbouj mbwq mbouj naet haenx, youq ndaw hagsib raeuz guh mbouj guh ndaej daengz ne? Doiq cihsiz caengz siuswg lijgaij de, dwg mbouj dwg ciengz "hoizcauj" lone?

Youq ndaw hagsib, raeuz

gizsaed caeuq yiengz cengca lai lo. Hwnjdanz mbouj haeujsim dingq, cungj siengj roengzdanz vaiq di bae guhcaemz; doiq gij daez hwnjdanz dingq mbouj rox de, cungj dwg doiq swheij naeuz, caj yaep ndeu bae cam lauxsae roxnaeuz doengzhag, hoeng moix baez cungj dwg vah daengz gokbak, cungj mbouj gangj okdaeuj; mwh cingzcik gaujsi

okdaeuj, cungj aeu "caeklaiq gou mbouj dwg gauj ndaej cei q yaez" guh gyaijbak yienzliengz swheij.

Danghnaeuz raeuz youq ndaw hagsib hix lumj yiengz gwn nywj ityienh, lij miz gijmaz hag mbouj ndei ne?

(Cungzging Si Vancouh Gih Bwzanh Yizmiz Siujyoz haj nienz-gaep Siuh Dingz)



Douxciap Doxdax Namzlumz

难忘的接力比赛

Lwnz daengz yindungyenz ban dou hwnj ciengz lo. Riengz dwk sing cungqfatlingh hainduj yiengj, ban dou boux buet daih' it lumj duzbeuq nei cung baenaj. De ok rengz buet dwk, sim gou hix riengz sing din buet de diuqbubbub. Cij raen de mauhgvaq geij boux yindungyenz doih wnq, dawz faexgyaengh doxciep swnhdangq ndenq hawj boux buet daihngaih ban dou. "Ngeih nienz bet ban gyayouz!" Riengz dwk sing hemq doengzhag, boux yindungyenz buet daihngaih hix lumj gaiqnaq liz gung nei mbin baenaj. Sawqmwh, faexgyaengh ndaw fwngz de mbouj siujsim doek lo, cienz ciengz doengzhag cungj sim gaenjgwkw yawj de, hoengheiq sawqmwh lumj gietndangj nei. Cij raen de

nyaecuqnyaueq bwnda, gip hwnj gaiq faexgyaengh doxciep, haeb-heuj laebdaeb buet baenaj. Yienz-naeuz okyienh cingzgvang loeklak, hoeng youq yindungyenz doxciep ban dou dox boiqhab lajde, gyoengqde gyaep hwnj geij boux yindungyenz ban wnq, vanzlij beij gyoengqde cung gvaq diuzsienq sathyai gonq.

Doxgiet couh dwg rengzhung, ciengzmienh doxciep doxdax ciengz youq ndaw uk gou okyienh. Vunzlai ciengz gangj "gaiq sei dog mbouj baen cag, go faex dog mbouj baenz ndoeng", doenggvaq baez doxciep doxdax neix, gou engggya rox aen dauhleix neix lo.

(Liuzningz Swngj Anhsanh Si Haijcwngz Si Sihgvanh Siujyoz ngeih nienzgaep Vangz Gizhau)



Banhaet daengngoenz rongh-sag, raq rumz he ci gvaq, hoengheiq singjsien sawj vunz sangjswt. Hag-danz gawjbanh doxciep doxdax, daengxcungq lauxsae hagseng daeujdaengz ndaw cauhcangz, naengh youq diegnaengh gak ban yawj doxdax. Sing gvangjbo、sing cungqfatlingh hainduj、sing lah-lahdui, singsing haenx rwz, sawj vunj angqfaengz, sawj vunz gaenj-cieng youh gikdoengh.